

veitingar úr sjóðnum, svo og rétt og skyldu til að fylgjast með því, að fyrirmælum skipulagsskrárinnar sé fylgt í öllum greinum.

64
23. apríl

7. gr.

Reikningar sjóðsins skulu endurskoðaðir með reikningum Bláa-Bandsins.

Ef Bláa-Bandið hættir störfum skal stjórn þess afhenda yferráð sjóðsins stofnun eða félagi, sem vinnur að björgunarstarfi meðal drykkjufólks eða annarri bindindisstarfsemi.

8. gr.

Leita skal staðfestingar forseta Íslands á skipulagsskrá þessari og hún birt í B-deild Stjórnartíðinda.

Reykjavík, 5. okt. 1956.

Ingibjörg Magnúsdóttir.

Staðfesting forsetans á skipulagsskrá fyrir Minningarsjóð Ragnheiðar Sigurbjargar Ísaksdóttur og Jóns Þorsteinssonar, foreldra Ísaks Jónssonar, skólastjóra, er kemur í stað áður staðfestrar skipulagsskrár, dags. 30. des. 1943: „Vöggustofusjóður Ragnheiðar Sigurbjargar Ísaksdóttur, ljósmóður frá Seljamýri í Loðmundarfirði“, útgefin á venjulegan hátt að mandatum af dómsmálaráðherra 23. apríl 1957. Skipulagsskráin er þannig:

SKIPULAGSSKRÁ

fyrir Minningarsjóð Ragnheiðar Sigurbjargar Ísaksdóttur og Jóns Þorsteinssonar, foreldra Ísaks Jónssonar, skólastjóra, er kemur í stað áður staðfestrar skipulagsskrár, dags. 30. des. 1943: Vöggustofusjóður Ragnheiðar Sigurbjargar Ísaksdóttur, ljósmóður frá Seljamýri í Loðmundarfirði.

1. gr.

Sjóðurinn er stofnaður af hjónunum Sigrúnu Sigurjónsdóttur og Ísak Jónsýni, skólastjóra í Reykjavík, til minningar um foreldra hans.

2. gr.

Upprunalegt stofnfé sjóðsins 1943 var kr. 5 000.00, en hefur síðar aukizt með gjöfum og vöxtum upp í kr. 32 000.00, þrjátíu og tvö þúsund krónur, og er gert ráð fyrir, að hann aukist áfram á sama hátt.

3. gr.

Markmið sjóðsins er nú aðeins að styrkja skóla Ísaks Jónssonar í Reykjavík, fyrst og fremst með því að kaupa árlega kennsluáhöld og tæki, einkum tæki er snerta náttúrufræðileg efni, og einnig að veita fátækum börnum styrk til dvalar í skólanum, eftir því sem stjórn sjóðsins telur mögulegt eftir að fyrsta tilgangi sjóðsins er náð að dómi stjórnar sjóðsins.

4. gr.

Sjóðinn skal jafnan ávaxta í veðdeildarbréfum Landsbanka Íslands eða öðrum ríkistryggðum verðbréfum, en umframfé skal ávaxtast í sparisjóði Landsbankans. Verðbréf sjóðsins skulu skráð á nafn hans.

65

23. apríl

5. gr.
 $\frac{4}{5}$ hlutum af vöxtum sjóðsins skal árlega varið samkvæmt fyrirmælum 3. gr., en $\frac{1}{5}$ hluti vaxtanna leggist jafnan við höfuðstól sjóðsins, þar til hann er orðinn kr. 50000.00 — fimmtíu þúsund krónur —, en þegar svo er orðið, skal úthluta öllum vöxtum árlega samkvæmt 3. gr.

Stjórn sjóðsins skipa:

6. gr.

1. Skólastjóri skóla Ísaks Jónssonar, Reykjavík, og er hann formaður sjóðstjórnarinnar.
 2. Skólanefnd skóla Ísaks Jónssonar skipar annan sjóðstjórnarmeðlim (karl eða konu) og skal sá maður eða kona vera einhver af ættingjum eða venzlamönnum gefendanna, ef völ er á.
 3. Þriðji meðlimur sjóðstjórnar skal vera fræðslumálastjóri, eða sá maður, er síðar kann að gegna því hlutverki, er fræðslumálastjóri nú gegnir.
- Skólastjóri skóla Ísaks Jónssonar skal jafnframt vera gjaldkeri sjóðsins.
 Fari svo að skóli Ísaks Jónssonar verði lagður niður, ákveður síðasta löglega kosin stjórn sjóðsins í samráði við borgarstjóra Reykjavíkur, til hvaða líknarstarfsemi sjóðurinn skuli ganga, samkv. tilgangi gefendanna, og þannig að aðeins $\frac{4}{5}$ af árlegum vöxtum hans sé úthlutað í styrktarfé, þar til sjóðurinn nemur kr. 50000.00. Jafnframt ákveður þessi síðasta löglega stjórn sjóðsins, hverjir skuli skipa hina nýju stjórn sjóðsins.

7. gr.

Sjóðstjórnin sér um reikningshald sjóðsins og skulu endurskoðendur vera hinir sömu og þeir, er kosnir eru til að endurskoða reikninga skóla Ísaks Jónssonar.

Reikningsár sjóðsins er frá 1. júní ár hvert til jafnlengda næsta ár.

Verði skóli Ísaks Jónssonar lagður niður annast endurskoðendur bæjarreikninganna árlega endurskoðun sjóðsreikninga. Reikningar sjóðsins skulu árlega birtir í B-deild stjórnartíðindanna.

8. gr.

Leita skal forsetastaðfestingar á skipulagsskrá þessari og um leið fellur úr gildi skipulagsskrá Vöggustofusjóðs Ragnheiðar Sigurbjargar Ísaksdóttur.

Reykjavík, 30. október 1956.

Ísak Jónsson. Sigrún Sigurjónsdóttir.

66

24. apríl

REGLUGERÐ

um breyting á reglugerð nr. 87 15. júní 1954, um orlof og veikindaforföll starfsmanna ríkisins.

1. gr.

1. gr. reglugerðarinnar orðist svo:

Starfsmenn ríkisins skulu árlega fá orlof í 18 virka daga og einskis í missa af föstum launum.

Nú hefur starfsmaður verið í þjónustu ríkisins 10 ár eða lengur, og skal hann þá fá orlof sem hér segir:

- a. Í 21 virkan dag, ef hann á að baki 10—15 ára þjónustualdur.
- b. Í 27 virka daga, ef hann á að baki lengri þjónustualdur en 15 ár.

Orlofsárið telst frá 1. júní til 31. maí næsta ár á eftir.